

文淵閣

四庫全書

影印

文淵閣四庫全書

第一一九一冊

北京出版集團公司
北京出版社

本冊目次

遺山集

附錄

金元好問撰……………一

湛然居士集

元耶律楚材撰…………四八七

藏春集

附錄
元劉秉忠撰…………六三三

淮陽集

元張弘範撰…………七〇三

附錄：詩餘

欽定四庫全書

集部

遺山集
目錄
卷二

詳校官中書臣沈鵬

主事臣呂雲棟覆勘

總校官編修臣倉聖脉

校對官中書臣葉蘭

謄錄監生臣任御喧

欽定四庫全書

集部五

遺山集目錄

別集類四
金

卷一

賦

五言古詩

卷二

五言古詩

卷三

欽定四庫全書

遺山集
目錄

七言古詩

卷四

七言古詩

卷五

雜言

卷六

古樂府

卷七

五言律詩

卷八

七言律詩

卷九

七言律詩

卷十

七言律詩

卷十一

欽定四庫全書

遼山集
目錄

五言絕句

六言

七言絕句

卷十二

七言絕句

卷十三

七言絕句

卷十四

七言絕句

卷十五

宏詞

卷十六

碑銘表誌碣

卷十七

碑銘表誌碣

卷十八

欽定四庫全書

遼山集
目錄

碑銘表誌碣

卷十九

碑銘表誌碣

卷二十

碑銘表誌碣

卷二十一

碑銘表誌碣

卷二十二

碑銘表誌碣

卷二十三

碑銘表誌碣

卷二十四

碑銘表誌碣

卷二十五

碑銘表誌碣

卷二十六

碑銘表誌碣

欽定四庫全書

道山集
目錄

四

卷二十七

碑銘表誌碣

卷二十八

墓碣表誌銘

卷二十九

碑銘表誌碣

卷三十

碑銘

卷三十一

墓銘碑表

卷三十二

記

卷三十三

記

卷三十四

記

欽定四庫全書

道山集
目錄

五

卷三十五

記

卷三十六

序引

卷三十七

序引

卷三十八

銘

贊

頌

卷三十九

書

疏

雜體

卷四十

欽定四庫全書

上梁文

青詞

祭文

題跋

臣等謹案遺山集四十卷金元好問撰好問

字裕之秀容人中興定五年進士天興中除

左司都事轉行尚書省左司員外郎金亡不

仕事蹟具金史文藝傳是集賦詩十四卷文

遺山集
目錄

六

二十六卷為明御史李瀚所刊本好問才雄

學贍高古沈鬱金元之介屹然為文章大宗

所撰中州集意在以詩存史去取尚未盡精

至所自作則興寄深遠風格道上無宋南渡

末江湖諸人之習亦無江西流派生拗麤獷

之失後來雖虞楊范揭名重一代皆未能凌

跨其上至古文繩尺嚴密眾體悉備而碑版

誌銘諸作尤具有法度晚年嘗以史筆自任

欽定四庫全書

遺山集
目錄

構野史亭採金源君臣遺言往往行裒輯紀錄

至百餘萬言今壬辰雜編諸書雖已無傳而

元人纂修金史多本所著故于三史中獨稱

完善亦可知其著述之有裨實用矣乾隆四

十五年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

遺山集卷一

金 元好問 撰

古賦

秋望賦

步裴回而徙倚放吾目乎高明極天宇之空曠閱歲律之崢嶸于時積雨收霖景氣肅清秋風蕭條萬籟俱鳴菊鮮鮮而散花鴈杳杳而遺聲下木葉於庭臯動砧杵於蕪城穹林早寒陰崖晝冥濃澹霏拂繞白紆青紛叢薄之相依浩霜露之已盈送蒼蒼之落日山川鬱其不平瞻彼輶轅西走漢京虎踞龍蟠王伯所憑雲烟慘其動色草木起而為兵望崧少之霞景渺浮丘之獨征汗漫之不可與期竟老我而何成挹清風於箕頤高巢由之遺名悟出處之有道非一理之能并繫南山之石田維景略之所耕老螭盤盤空谷淪精非雲雷之一舉將草木之偕零太行截天大河東傾邈神州于西北怳風景於新亭念世故之方殷心寂寞而潛驚激商聲于寥

欽定四庫全書

遺山集
卷一

欽定四庫全書

遺山集
卷一

廓慨涕泗之緣纓吁咄哉事變於已窮氣生乎所激豫州之土復於慷慨擊節之誓西域之侯起于窮悴傭書之筆諒生世之有為寧白首而坐食且夫飛鳥而戀故鄉嫠婦而憂公室豈有夷墳墓而剪桑梓視若越肥而秦瘠天人不以偏廢日月不可以坐失然則時之所感也非無候蟲之悲至於整六翮而睨層霄亦庶幾乎驚禽之一擊

蒲桃酒賦

并序

劉鄧州光甫為予言吾安邑多蒲桃而人不知

有釀酒法少日嘗與故人許仲祥摘其實并米炊之釀雖成而古人所謂甘而不飴冷而不寒者固已失之矣貞祐中鄰里一民家避寇自山中歸見竹器所貯蒲桃在空盎上者枝蒂已乾而汁流盎中薰然有酒氣飲之良酒也蓋久而腐敗自然成酒耳不傳之秘一朝而發之文士多有所述今以屬予子寧有意乎予曰世無比酒久矣予亦嘗見還自西域者云大食人絞蒲

桃漿封而埋之未幾成酒愈久者愈佳有藏至
十斛者其說正與此合物無大小顯晦自有時
決非偶然者夫得之數百年之後而證數萬里
之遠是可賦也於是乎賦之其辭曰

西域開漢節迴得蒲桃之奇種與天馬兮俱來枝蔓千
年鬱其無涯音崖飲清秋以春煦發至美乎胚胎意天以
美釀而飽予出遺法于湮埋索罔象之玄珠薦清明於
玉杯露初零而未結雲已薄而仍裁挹幽氣之薰然釋

欽定四庫全書

道山集
卷一

三

煩悃于中懷覺松津之孤峭羞桂醑之塵埃我觀酒經
必麴蘖之中媒水泉資香潔之助秫稻取精良之材效
衆技之畢前敢一物之不偕艱難而出美好徒酖毒之
貽哀緊工倕之物化與梓慶之心齋既以天而合天故
無桎乎靈臺吾然後知珪璋玉毀青黃木災音哀而鼓
鐘味薄而鹽梅惟殫殘天下之聖法可以復嬰兒之未
孩安得純白之士而與之同此味哉

新齋賦 并序

予既罷內鄉出居縣東南白鹿原結茅菊水之
上聚書而讀之其久也優柔厭飫若有所得
為平生未嘗學而學於是乎始乃名所居為新
齋且為賦以自警其辭曰

新之為說也在金曰從革在木曰從斤邱陵為山而惡
乎畫履霜堅冰而致于馴猶之於人則齊魯有一再之
漸狂聖由念否之分唯夫守一而不變者不足以語化
化之為神附陳迹以自觀悼吾事之良勤失壯歲於俯

欽定四庫全書

道山集
卷一

四

仰竟四十而無聞聖謨洋洋善誨循循出處語默之所
依性命道德之所存有三年之至穀有一日之歸仁動
可以周萬物而濟天下靜可以崇高節而抗浮雲曾出
此之不知乃角逐乎空文張北轅以適楚將疇問而知
津掩虛名以自夸適以增頑而益器我卜我居於浙之
濱方處陰以休影思沐德而澡身蓋嘗論之生而知困
而學固等級之不躡憤則啓悱則發亦愚智之所均齋
戒沐浴惡人可以祀上帝潔己以進童子可以遊聖門

顧年歲之未暮豈終老乎凡民已焉哉孰糟粕之弗醇孰土苴之弗真孰昧爽之弗旦孰悴槁之弗春又安知溫故知新與夫去故之新他日不為日新又新日日新之新乎

行齋賦 并序

戊子冬十月長壽新居成仲經張君從予卜鄰得王氏之敗屋焉環堵蕭然不蔽風日君為之補罅漏治蕪穢蓋十日而後可居華門圭竇故

欽定四庫全書

遠山集
卷一

五

事畢舉取君子素其位而行之義名曰行齋而乞文於予予以為士之貧至於君極矣無祿以為養無田以為食無僮僕為之負販無子弟為之奔走無好事者為之謀緩急而助薄少率貲無旬日計泰然以閉戶讀書為業不以為失次而以為當然不以為怨不以為憂而又且以為樂也然則不謂之無媿其名也而可乎迺為賦云賦分在人如物有常反鶴與鳬無益短長力有可乘勝

天不祥福不盈睫一敗莫償莫難養心操存舍亡出入無時兮莫知其鄉飽飢有時而激兮怒殆豢虎之貽殃我思古人動靜有方靜以養虛剛以作彊辱以取汙愚以退藏屹中立而不倚邈橫潰而獨障直釣磻溪之魚禿節單于之羊有漆身以為厲有披髮而為狂仕汙世而執翻徇殊俗而解裳太阿存兼善之達緼袍有不求之臧唯夫長劍大冠以揖讓人主之前者若固有故木食澗飲雖至於勞筋骨而餓體膚者為無傷古有之居

欽定四庫全書

遠山集
卷一

六

五言古詩

箕山

幽林轉陰崖鳥道人迹絕許君棲隱地唯有太古雪人間黃屋貴物外祗自潔尚厭一瓢喧重負寧所屑降衷均義稟汨利忘智決得隴又望蜀有齊安用薛干戈幾

太阿即阿
衡見文選

蠻觸宇宙日流血魯連蹈東海夷叔采薇蕨至今陽城
山衡華兩邱垤古人不可作百念肝肺熱浩歌北風前
悠悠送孤月

緱山置酒

同內新馮丈叔獻雷兄
希顏賦詩分韻得賓字

靈宮肅清曉細栢含古春人言王子喬鶴馭此上賓白
雲山蒼蒼平田木欣欣登高覽元化浩蕩融心神西望
洛陽城大路通平津行人細如蟻擾擾爭紅塵蓬萊風
濤深鬢毛日夜新殷勤一杯酒媿爾雲間人

欽定四庫全書

遠山集
卷一

七

同希顏再登箕山

千年箕山祠蘿逕深以悄桂樹不復見禿藪餘秋篠盤
盤盡絕頂石冢平木杪長風萬里來筋骸覺輕矯側身
望岩竇解衣憩林表是時夏春交野色亂青縹川光乍
明滅地脈互縈繞罔蠻蟻垤出井邑蜂衙擾紅塵洛陽
昏白雲太行曉元功信冥漠一覽疑可了悟彼東山人
胸中魯宜小

光武臺

東南地上游荆楚兵四衝游子十月來登高送長鴻當
年赤帝孫提劍起蒿蓬一顧湓水斷再顧新都空雷霆
萬萬古青天看飛龍歸然此遺臺落日荒烟重誰見經
綸初指揮走群雄白水日夜東石麟幾秋風空餘廣武
歎無復雲臺功

潁亭留別

同李治仁卿張肅子敬王
元亮子正分韻得畫字

故人重分攜臨流駐歸駕乾坤展清眺萬景若相借北
風三日雪太素秉元化九山鬱崢嶸了不受陵跨寒波

欽定四庫全書

遠山集
卷一

八

淡淡起白鳥悠悠下懷歸人自急物態本閑暇壺觴負
吟嘯塵土足悲咤迴首亭中人平林澹如畫

滙亭

春物已清美客懷自幽獨危亭一徘徊翛然若新沐宿
雲淡野川元氣浮草木微茫盡楚尾平遠疑杜曲生平
遠游賦吟諷心自足竭來著世網抑抑就邊幅人生要
適情無榮復何辱乾坤入望眼容我謝羈束一笑白鷗
前春波動新綠

出京

史院得告歸
嵩山侍下

從宦非所堪長告欣得請驅馬出國門白日觸隆景半
生無根著飄轉如斷梗一昨隨牒來六月阻歸省城居
苦湫隘群動日蛙龜慚媿山中人團茅遂幽屏塵泥免
相浣夢寐見清潁矯首孤飛雲西南路何永

元魯縣琴臺

荒城草木合破屋風雨侵千年一琴臺賸焉涕盈襟遺
愛食縣社公寧不堪任此臺即甘棠忍使無餘陰旁舍

欽定四庫全書

道山集
卷一

九

高以華大豪日捐金蒼雲玄武暮鬼物憑陰岑尚德抑
玄虛墜典誰當尋我興薦寒泉百拜公來臨公來不能
知落日下飢禽懷哉空山裏鶴飛猿與吟當年于為歌

補袞一何深承平示得意獨能正哇淫君相此一時又

復悟良箴諛臣坐廢黜盍亦起幽沈蒲輪竟類轂香艸

空深林寂寞授書室孤甥舉遺衾生平諒已然薄俗矧

來今千山為公臺萬籟為公琴夔曠不竝世月露為知

音人間蹄涔耳已矣非公心

元道州文編以元魯山為
元魯縣又臺今為玄武祠

故及之

憑水

聞郾城張伯
玉訃音作

憑水復憑水東望鴈行沒殷勤一杯酒遙酌憑亭月永
懷紫髯郎冠佩見突兀岩石青峙鬱鬱松秀發裴回
功名會脫落豪俠窟中州有士論指與雷李屈掛弓須
扶桑洗劍必溟渤皇天靳美器一世惜英物神交付冥
漠生氣凜毛髮古來天下馬萬里入超忽良樂不竝世
燕市空駿骨狂歌叫秋雲北風撼林樾

欽定四庫全書

道山集
卷一

十

雜著五首

稟氣寡所諧衣食固無端所業在農桑甘以辭華軒田
家豈不苦歲功聊可觀帶月荷鋤歸裴回邱隴間暖暖
遠人村紛紛飛鳥還養真衡茅下庶無異患干遙謝荷
蓀翁躬耕非所嘆

守拙歸田園淹留自無成長吟掩柴門遂與塵事冥素
月出東嶺夜景湛虛明揮杯勸孤影杯盡壺自傾遙遙
望白雲千載有深情

榮叟老帶索原生納決屢邈哉此前脩久而道彌著人
生少至百每每多憂慮量力守故轍餘榮何足顧棲遲
固多娛幾人得其趣

桃李羅堂前霜露榮悴之咄咄俗中惡人道每如茲冬
嶺秀孤松卓然見高枝提壺撫寒柯懷此貞秀姿願留
就君住終身與世辭

世短意恒多時駛不可追感彼栢下人泣然沾我衣運
生會歸盡彼此更共之理也可奈何一觴聊可揮酒中

欽定四庫全書

道山集
卷一

十一

有深味情隨萬化遺西南望昆墟靈人侍丹池我無騰
化術帝鄉不可期且極今朝樂千載非所知

古意二首

七歲入小學十五學時文二十學業成隨計入咸秦秦
中多貴游幾與書生親年年抱關吏空笑西來頻在昔
學語初父兄已卜鄰跛鰥不量力強欲緣青雲四十有
牧豕五十有負薪寂寥抱玉獻賤薄倡優陳青衫亦區
區何時畫麒麟遇合僅一二饑寒幾何人誰留章甫冠

萬古徒悲辛

桃李弄嬌嬈梨花澹丰容盈盈兩無語艴艴爭春風春
風何許來草木誰青紅天公亦老矣何意夸兒童昨夜
花正開今朝花已空川流不肯駐併與繁華東攫捕千
歲姿骯髒空谷中陽和不擇地亦復難為功本無兒女
心安用尤天公

潁谷封人廟

洩洩潁谷雲融融潁川水封君去我久水雲自清美人

欽定四庫全書

道山集
卷一

十二

言君善諫微意得鄭子特於悔悟時一語發天理大孝
動天地土苴及頑鄙反身而未誠善諫且敗矣如何千
載下乃與茅焦比我行潁川道永念負甘旨願作潁尾
魴因之日千里

贈答劉御史雲卿四首

舊聞劉君公學經發源深驂騑萬里氣聖途已駸駸大
梁語三日副我夙所欽瀛溪無比流此道日西沈百年
牛山水不復秀穹林南風雖寥寥聞絃猶賞音獨憐夸

昆子一我無古今共學君所貪適道我豈任相酬無別物徒有好賢心

阿京吾所畏早生號能文初無王家癖聲光自流聞此行不虛來得接大小君信知珠玉淵足當羔鴈羣君家有箕裘聖學待冊勲但使本根在枝葉復何云殷勤五色筆未用推千軍

學道有通蔽今人乃其尤溫柔與敦厚掃滅不復留高蹇當父師排擊劇寇讐言真是未可必自私有足羞古人

欽定四庫全書

道山集
卷一

十三

相異同寧復操戈矛春風入萬物枯枿將和柔克己未有加歸仁亦何由先儒骨已腐百罵不汝酬胡為文字間刮垢搜癥疣吾道非申韓哀哉涉其流大儒不知道此論信以不我觀唐以還斯文有伊周開雲揭日月不獨程張儔聖途同一歸論功果誰優戶牖徒自開膠漆本易投九原如可作吾欲起韓歐

老鶴何許來澹與孤雲同相值太虛室悠然復西東聖學要深談惜君別匆匆何時沂水上同詠舞雩風

送欽叔內翰并寄劉達卿郎中白文舉編修五

首

忽忽歲云暮烈烈風霜威舉頭望長安游子從此歸我有平生懷愛君如連枝半年姜肱被所樂良不貲尚恨人事異離合無定時送君酒一杯侑以彈鋏辭上言行路難下言長相思

六月渡盟津十月行汜水風濤脫沈舟冰雪危墮指孝子在中野永念負甘旨家貧親已老形瘵心欲死古稱

欽定四庫全書

道山集
卷一

十四

季路孝負米曾百里顧作鯉與魴寧當怨頽尾君歸不可緩獻壽迫歲始遙知慈母心已為烏鵲喜

一年不製衣春服犯霜風一日僅兩食腸胃不得充生平萬里氣頓入低回中田夫怒攘臂縮首甘盲聾老兵賜顏色歡喜無所容求索厭朋友勞苦慚僕僮無聊復無聊又復招灾凶我有一樽酒澆君魂磊胸君年始三十白髮成一翁顧以寸心微受此百慮攻君窮復何辭不見閑閑公文章二百年不抹四壁空

君性我所諳我心君所知凡我之所短君亦時有之謀
事恨太銳臨斷恨太遲持論恨太高徇俗恨太卑人道
自近始貧富理不齊君自不得飽欲療何人饑乞醯乞
諸鄰聖哲有明譏被髮抹鄉人智者所不為且如與人
交交有非所宜白黑不復擇豁豁傾心脾泛愛豈不可
後悔終自貽又如與人言寧復無失辭刺口論成敗白
眼談歌詩世故穀黃閒能不發其機聞君作損齋似覺
豪華非懲忿與室慾百年有良規與子各努力歲晚以

欽定四庫全書

遼山集
卷一

十五

為期

古人遙相望每恨不同時同時得古人歡樂良在茲君
歸豈不佳交游滿京師門前車馬來笑言慰所思細話
洛陽事高詠嵩山詩宮壺發新篇宮梅耿幽姿故應劉
與白亦復念微之

飲酒五首

袁城
作

西郊一畝宅閉門秋艸深床頭有新釀意慙成孤斟舉
杯謝明月蓬華肯相臨願將萬古色照我萬古心

去古日已遠百偽無一真獨餘醉鄉地中有羲皇淳聖
教難為功乃見酒力神誰能釀滄海盡醉區中民

利端始萌芽忽復成禍根名虛買實禍將相安足論驅
驢上邯鄲逐兔出東門離官寸亦樂里社有拙言

樂晉陸
諺云然

離官
寸亦

萬事有定分聖智不能移而於定分中亦有不測機人
生桐葉露見日忽已晞唯當飲美酒儻來非所期

此飲又復醉此醉更酣適徘徊雲間月相對澹以默三

欽定四庫全書

遼山集
卷一

十六

更風露下巾袖警微濕浩歌天壤間今夕知何夕

後飲酒五首

陽翟

少日不能觴少許便有餘比得酒中趣日與杯杓俱一
日不自澆肝肺如欲枯當其得意時萬物寄一壺作病
知奈何妾婦良區區但媿生理廢饑寒到妻孥吾貧蓋
有命此酒不可無

金丹換凡骨誕幻若無實如何杯杓間乃有此樂國天
生至神物與世作酣適豈曰無妙理滉漾莫容詰康衢

吾自樂何者為帝力大笑白與劉區區頌功德

客從崧少來貽我招隱詩為言學仙好人間竟何為一

笑顧客言神仙非所期山中如有酒吾與爾同歸

酒中有勝地名流所同歸人若不解飲俗病從何醫此

語誰所云吾友田紫芝紫芝雖吾友痛飲真吾師一飲

三百杯談笑成歌詩九原不可作想見當年時

飲人不飲酒正自可飲泉飲酒不飲人屠沽從擊鮮酒

如以人廢美祿何負焉我愛靖節翁於酒得其天龐通

欽定四庫全書

遺山集

卷一

何物人亦復為陶然兼忘物與我更覺此翁賢

德禪師清涼草堂

舊隱伊陸巷把茅入冥息新居蘭若峯老屋補漏圻鐘

魚有勝氣瓶錫無滯迹回頭仙人隊談笑初未隔結草

幾成壞逆旅誰主客道人郎許許一笑山月白多生負

詩債秋物苦催索遙知得新句崧少為動色

上人舊隱伊陽伊陽

有伊陸巷仙人隊者女几山諸峯名

少林

雲林入清深禪房坐蕭爽澄泉潔餘習高鳥喚長往我
無玄豹姿漫有紫霞想回首山中雲靈芝日應長

龍潭

層冰積浩蕩陵谷互吞吐窈窕轉幽壑突兀開淨宇回

頭山水縣亦復墮塵土孤雲鐵梁北宇宙一仰俯風景

初不殊川塗忽修阻寒潭海眼淨默黑自太古蟄龍何

年卧萬國待霖雨誰能裂蒼崖雷風看掀舉

山人中人歲旱則轉大

石入潭以駭龍瞬息致雨故云

欽定四庫全書

遺山集

卷一

麥歎

借地乞麥種微倖今年秋乞種尚云可無丁復無牛田

主好事人百色副所求盼盼三百斛寬我饑寒憂我夢

溱南川平雲綠油油起來望河漢旱火連東州四月艸

不青吾種良謾投田間一太息此歲何時周向見田父

言此田本良疇三歲廢不治種則當倍收何如落吾手

羊年變鷄猴身自是旱母咄咄將誰尤人滿天地間天

豈獨我讐正以賦分薄所向困拙謀不稼且不穡取禾

亦何由辦作高敬通惡雨將漂流吾貧有濫觴賢達未
始羞單衣適至肝一劍又蒯緱焉知寄食餓不取丞相
侯作詩以自廣時用商聲謳

北印

驅馬北印原踟躕重踟躕千年富貴人零落此山隅萬
塚不復識榛莽餘龜趺賢愚同一盡感極增悲歎粵人
惟物靈生也與道俱一為物所眩遂爾迷厥初蛻骨幾
山邱百年不須臾歸盡固其理交喪亦已愚陳迹有足
悲奈此萬化途焉知原上塚不有當年吾

欽定四庫全書

道山集
卷一

十九

龍門雜詩二首

石樓繞清伊塵土天所限人言無僧久草滿不復剗灘
聲激悲壯山意出高蹇當年香山老掛冠遂忘返高情
留詩軸清話入禪版誰言海山去蕭散仍在眼溪寒不
可涉倚杖西林晚

不見木庵師胸中滿泥塵西窓一握手大笑傾冠巾青
山有佳招一游負因循老筇動高興萬景森前陳乾元

先有期清伊亦知津細看潛溪樹高卧香山雲學詩二
十年鈍筆死不神乞靈白少傅佳句儻能新遙遙洛陽
城梅花千樹春山中有忙事寄謝城中人

豐山懷古

豐山一何高古屋蒼烟重開門望吳楚鳥去天無窮連
山橫巨鼇白水亘長虹川原鬱佳氣自古南都雄炎精
昔季興卧龍起隆中落落出奇策言言揭孤忠時事有
可論生晚恨不逢漢賊不兩立大義皎日同吳人操等

欽定四庫全書

道山集
卷一

二十

耳忍與分河潼奪操而與權何以示至公一民漢遺黎
尺地漢故封守民及守土地與相終不能禦寇讐顧
以寇自攻既異鴻溝初又非列國從一券損半產二祖
寧汝容端本一已失孤唱誰當從至今有遺恨廟栢號
陰風舊聞清冷淵天籟如撞鐘山經野人語誕幻欺孩
童開元有亂階鹿飲溫泉宮黃猿何為者乃爾能嘯兇
乾坤之大音久鬱理當通清霜旦夕落佇爾驚羣聾

乙酉六月十一日雨